



*Minggu, 1 Januari 2023*

**Ogen: Matius 13: 44-45**



**Erta Si Terbuni**



**I**njil Matius megati igelari Injil Kinirajan Surga, erkiteken mbue kal perumpamaan Kinirajan Surga si isehken Jesus i bas Injil enda. Perumpaamaan kerna erta si terbuni ras mutiara pe nggambarkensa kerna kalak si atena bengket ku bas Kinirajan Surga. Tupung idatna erta siterbuni e, maka idayakenna kerina erta-ertana guna ndatken erta si terbuni e. Bagepe bagi ndarami mutiara si mejilena, maka idayakenna kerina si lit i bas ia guna nukur mutiara e. Kai ertina? Ndayaken kai si lit i bas kita ertina maka kita mengalikan kerina pikiran, gegehta arah perkara si deban ras memusatken pikiran ras kerina geluhta man Kristus saja. Upah, gunana ras dampak guna ngikutken Jesus e ntah pe bengket ku bas Kinirajan Surga e e me transformasi i bas dirinta nari. Orientasi geluh si mengarah ku bas dirinta, gundari mengarah ku bas si ngena ate Tuhan. Tangtangna kita nggit berkorban guna dirinta jine, gundari nggit berkorban guna Kinirajan Tuhan ras kebenarenNa. Kecenderungen guna memiliki erta benda iobah guna bersedia ngelepaskan erta benda guna Kinirajan Surga. Si iayak ras si idarami kita lanai bo nari kerna keberhasilen tapi kepatuhen, lanai bo nari kerna kesembuhen tapi pengendesen. Si mendominasi pikirenta lanai bo peratenta nari tapi peraten Bapa. Kalak si bengket ras nggeluh i bas Kinirajan Surga maka idatkenNa me kemalemen ate. Ise atena la nggeluh i bas kemalemen ate. Tapi labo kerina kalak meteh uga carana ndatken kemalemen ate. Sebabna kai? Sebab kemalemen ate e bagi mereken kai si lit i bas kita man Tuhan guna igantiken alu si terulin. Kai si arus si lepaskan guna ndatken kemalemen ate si tuhu-tuhu e? Darami ras datkenlah! Bapa surgawi kita tidak pernah mengambil apa pun dari anak-anak-Nya, kecuali jika Dia ingin memberi kita sesuatu yang lebih baik. (George Muller)